

KHRISTMAS VAI A KIZAKSAKNA/NGETNA

Pathian in a hoihna leh zahngaihna ziaak liauliau in tukum a December kha tan hon pitungta a, Khristmas leh kumthak mel hon muhsak lamem tak in i ngak hi. Judate ading a piang kumpipa ahi chih Jesu pianlai a aksi ana mu suahlam mipilte theihdan ahi. Tuateng lel thei himahle uh biak ding in ana zong uhi.

Tuhun a ei Khristian ten bel Jesu mitengteng tandia hong pai a, a sepdi bangbang semkhin a, melma nanungpen sihna tung nangawn a vualzou a, van kah a eite' adia gensaktu a om lel, hongla dia hong kikhawn ding ahi chih tanpha i thei ua, mipilte sang in i hampaha zawtham uhi.

Jesun a sep di bangbang hong semkhin hina pi a, a theikha nai lou mihing tampi omlai hi. Ei bel a theikha leh a sangkhate lak a tel i hi a, hampaha khol diak i hi hi.

Tuaziak in maban zek a Khristmas hun hong tung ding ah, Toupa apan vualzawlina i tante gawmkhawm in hun zangkhawm le hang chi in saptuam in ni 2 sung zatna ding vaiguan bawl hi.

Na lungsim leh goubawmte hong a na mihinpihte toh Pathian hoihna tangkhawm ding in na kisa khol in.

SAPTUAM BANK ACCOUNT DETAIL

"Evangelical Baptist Convention, Delhi"

A/c No. 11084241142

State Bank of India, New Delhi
Main Branch, Parliament Street,
New Delhi - 110001,
IFS Code SBIN0000691

Email: finance@ebccdelhi.org leh
Mob. No. 9818687331 ah piakna details theisak
zel le kichian mahmah ding.

NIPINI NAWN BIAKNA HUNZEK

December 17, 2017

9:30 AM : COUNSELLING HUN

11:00 AM : ZINGLAM BIAKNA

Biakna & Phatkawmna : WT makaih in.
Thilpiak Latna : Upa Chinsum
Khawmpi Report leh
Upa Thakte Loplutna : Chairman, TBSUC
Sharing : Upa T. Songzalian &
Upa H. Zabiak

Biakna & Phatkawmna : WT makaih in.
Hunkhakna & Vualzawlina : Upa T. Gou Khangin

02: 00 PM SUNNUNG BIAKNA HUNZEK

Biakna leh Phatna : WT makaih in
Thilpiak Latna : Upa Khamkhanpau Guite
Special No. :
Khawmpi Report leh
Upa thakte loplutna : Chairman, TBSUC
Sharing : Upa T. Songzalian &
Upa H. Zabiak

Hunkhakna/Vualzawlina : Upa T. Thiankhanmuan

EBC DELHI COMPLEX JOINT COMMITTEE

(NIKHAT THA NGETNA)

EBC Kumsim khawmpi 2016 in Delhi a EBC Complex mun neihding pha honsakpih a, huai semsuaah dingin Delhi a saptuam nihte mohpuakna honpiak dungzui un EBC Delhi Complex Joint Committee in North Delhi (Burari etc) leh Noida khong ah gam etna kipanta hi. Hiai gam leina dingin saptuam mipi kuapeuh in nikhata tha wikhawm dia Pathian min a kichial ihi.

Thawhlawm te cash or online in piak theih gige.
EBCC Delhi ten ei saptuam account ah piakdi.

Evangelical Baptist Convention, Delhi.

A/c No. 11084241142.

State Bank of India, Parliament Street, New
Delhi 110001.

IFS Code: SBIN0000691.

Biakna Kikhop - NIPINI TENG
ZING DAK 11:00 AM
SUNNUNG DAK 2:00 PM



Thupi : Khrist, Lemna Kumpipa
tawh ki tuak thei dia Khrist
Diktatna a Kilamthakna

FOR PRIVATE CIRCULATION ONLY | December 10, 2017

TUNI BIAKNA HUNZEK

11: 00 AM - BIAKNA KIKHOP

Biakna & Phatna : WT makaih in.
Thilpiak Latna : Upa T. Thiankhanmuan
Thugenna : Upa Khamkhanpau Guite
Biakna/Phatkawmna : WT makaih in.
Hunkhakna/Vualzawlina : Upa T. Thianzakham

BCD DEVOTION-10.12.2017(11:00 AM)

Pitu : Htp. Jamchinlam
LST Sim a Thumna : Anthony Damliahau, Inter.
Phatkawmna : Lapite makaih in
Special Item : Sonthang Hauzel
Joseph Thawnlaven
Thupuanna : A om bang bang
Enlou a Bible chang genna : Pawl chih a pat
Thohlawm latna & Toupa hon sinsak thumna : Htn. Lydia

Tea Fellowship - Singpi dawn a kithuahkhawmna

2: 00 PM BIAKNA KIKHOP

Biakna leh Phatna : Worship Team makaih in
Thilpiak Latna : Upa T. Gou Khangin
Special No. :
Sharing : T/Upa V. Vumlunmang
Hunkhakna/Vualzawlina : Upa Chinsum

Tea Fellowship - Singpi dawn a kithuahkhawmna

WELCOME WELCOME

Tuni EBCC Delhi a biakkhawmna hun hong uap
Toupa misiangthoute I Toupa Jesu Khrist min in
itna chibai buk in kon vaidawn uhi.

Nou toh Pathian behawm-phatkawm a om
nuam kasa ua, hun lemtang omchia nong kikhop
zel uh ka lamem uhi.

Laisiangthou Bulphur

Khat le khat kikal ah
ngaihtuahna mun khatin om un.
Kikoisang kei unla, dinmun
niamte toh kithuah un. Kipilsak
kei un.
Romte 12:16

PRAYER POINTS

> December kha Nipini nihna a A
vualzawlina toh hon ompih a, Amah
min a biakna & phatna hun zangthei a
I om man in kipahtu gen ni.

> EBC in Mission na I sep kum 50
chinna chiamtehna leh hiai tan hon
pitu Pathian tung a kipahtu genna in
Golden Jubilee Celebration ,
Missions Conference -cum- Golden
Jubilee Pathian ompihna toh zoh hita
kipahtu genni.

> EBC Kumsim Khawmpi 69na, ni
masa Dec. 7-10 lamzangtak a
apaizom zel man in kipahtu gen ni.

> Khawmpi palai a kuan I Pastor leh
Upate, dam leh bittak a Delhi hong
tun nawn siausiau theihna ding un
thumna in delhzui ni.

> Damlouh ziaak a Delhi a Hospital
leh inmun a kikem I saptuam mi leh
sate ading in Toupa zahngaihna leh
hihdamna ngen ni.

> Khristmas kisakkholhna paizom
zel. Manpha leh kipaktak a hiai hunpi I
zat theihna din thumna in kilan ni.

> Nipini nawn Biakna hunseh kigelte
- Manphatak a I zat theihna ding in
tannei dingte leh mipite Toupa khut
hat a kikemsak ni.

EBC CHURCH, DELHI 2017 FLASHBACK

UPA L. NGULMINTHANG
CHAIRMAN, TBSUC, EBCC DELHI.

Pastors leh saptuam sunga Department tuamtuamte thusiamna leh makaihna in, tukum in heutu tamtakin hong veh kha ua, hamphathuai mahmah hi. Huan, maute apan thugen leh kisinsakna I zakte uh manpha mahmah hi. Hiaite banah, EBC Delhi saptuam kihampha mahmah a, local saptuam khenkhata kemtu ding Pastor kidaih zoulou a omlai in, en kemtu Pastor deihthoh huaitak nih bang I na tangkha ua, amaute'n hun bubit in hon enkol ua, thu leh la leh biakna huna makaihna manpha taktak hon neihpih uhi. Vehtu saptuam makai mun danga kipante thugen leh sinsaknate apan lungsim honkhoih leh kipahpih kholdiakte saulou in I taklang ding uh.

Tukum 2017 hi EBC Delhi saptuam a dinga, chiamtehtham leh kum poimohtak, Saptuam dinkhiak nung kum 25 chinna, Silver Jubilee kum leng ahi. Jubilee prog hun nanunga Rev V. Nenglian, DS Lamka South in a thugen "Khristian khat I hihleh bang ahia I poimoh ngaih(priority) a? Midangte a lametna koih a, hamphatpih sawm lel, khutdoh (begger) bangmai Khristian hihkhak ding lauhhuai" chih hon gente'n, mimal takin hon sukha mahmah hi. Hiaite'n, huai hih le uh, hichia hih di/ hihlough di, chih lak khawng buaipih khop lel. Midangte hih leh hihlough thu lel khawng buaipih lel Khristian hinkhua ana zang kha ka ngut de aw, chih hon ngaihtuah sak hi. "Ke'n saptuam a dingin bang hih theih ka nei a, chih zawk ding ahi' chih hon genin hon chou mahmah hi.

Gospel Music Festival, 2017 Aug 26 & 27 zang di'n I kithawi a, 27 (Nipini) kia I zang thei hi. Tua hun a Youth Co-coordinator, Rev Pumsuanmung thugen, "Diklatna a kilamthak di I chih leh, beh-le-phung leh tanau-laina paw lam kan zou, Jesu Khrist a kibuiphuh diklatna tawisang I hih ding uh kizam ahi," chih leh Post-modernist worldview, permissive/ liberal outlook leh tech invasion hon gente hoih thei lua in gen-gen di'a hoihte ahi.

Tuailai Day 2017 programme a thugen tu Rev Chinjemvel (James) testimony in lungsim tawng hon deng petmah hi. Mihing khata ding a, gentheihna leh haksatna omthei teng amah (Rev James) in a hinkhua ah ana tuak kha hi. Himahleh, Jesu Khrist ahoih neih Chiang in, a hehna leh thangpaihate kipahna khitui in khekhia ahihdan hon gen hi. Hinna khekthei taktak zaw Pathian

thuhing mah ahive. Hiai testimony ngaihkhia lai in, "Mi Khrist a a-om leh thilsiam thak ahong hita, ngai un thillui teng a mangta...(2 Cor 5:17), huan, Jeremia 29:11 a, "Noute adinga gelkholh nei ka hi, hon hihna lou a hon lohchin sakna ding thilgeel nei ka hi, Toupa'n a chi" chih te lungsimah hong thak sak hi. Siamthak-nawna zaw Khrist ah a om taktak ahi, chih Rev James hin khua ah athak in hon musaka, kipahhuai mahmah hi. "Hon siamthak nawn in, Toupa" chih laa I sakte khawng in ei hinkhua ah omzia a nei takpi na hiam, chih hon ngaihtuhsak hi.

Hamphat huaitakin, Cityview Church, Vancouver, Canada team Pastor Josh leh Pastor Lalpi Guite makaih in ni nih sung Delhi saptuamte vehna leh kisinsakna hong neihpih uhi. Hiai huna, Pastor Lalpi Guite in hon lasak khat, "When I feel forsaken, I still count on You, Lord" chih thupi ka sa mahmah hi. Lametna neilou, nelhsiah leh pampaih a i om lai in, koilam en/ nga ding I hi hiam, chih hon kokmuh ka sa a, ka na kipahpih mahmah hi. Huan, sangampa, Ecuador, testimony thupi ka sa petmah hi. A tapa tuailai nou in kum 3 paita in na sihsan a, paw-na petmah hi. Himahleh, hiai bang vangsiatnate'n amah Pathian naih sak a, hiai tana gospel theihpihtu a hong kuan thei ka chih Chiangin, thupi ka sa mahmah hi. Pathian mina mohpuakna I neihte khawng sem theilou di'a hon daltu a I koih sekte khawng ka ngaihtuah Chiangin, kipiakzohna/ commitment ana kinei zoulou deuh mah hita e, chih hon phawksak thak mahmah hi. Huan, hiai testimony te ngaihkhia lai in, ka lungsim ah hiai bang hongsuak hi. 'Toupa'n hon domsang'

EDITORIAL SUTZOPNA

chi'n I kipak thei mahmah a, tua bang lohchinnate tungtawnin Pathian I phat ua, adik mah ahi. Ahihangin, lohsapna leh vangsiatnate tungtawna leng Pathian in thupina a tan ding ahive, chih hon musak hi. "Theipi kung vuaksuakin, huanga gantate satkhiakin om mahleh, Toupa, ka hotdamna ah, ka kipak ding hi" (Habakuk 3:17-19) chih te lungsim ah hong thak hi.

Rev Chinkhengoupau, Child Coordinator, toh Graduation Day manphatak November 25-26, sung I na zang uhi. Hiai huna heutupa thugen, khalam pichinna leh salam a pichinna tehna a kibatlouh dan hon-gen dikin manpha mahmah ka sa hi. 'Sa dan' ah more maturity less dependence ahilai in, khalam ah zaw more maturity more dependence ahi' chih in gen Chiang ka sa mahmah hi. Huan, 'Christianity is all about relationship' chih agen banah, relationship poimoh pen tuh Pathian in mihing toh kikal a relationship hong bawl, (Phillipi 2) hon gente tulai saptuam mimalmalte'n, i phatmoh pen uh hilou hiam chih athakin hon phawksak hi. Midangte toh kitanauna bang chibang I neia? Bangchi bang mite toh kinai a om i ut a, chih te, ei Khristian mimalmalte kidot thak tuak mahmah hi.

Saptuam mimal chih in leng tukum hunzatna tungtawna, lam tuamtuama hamphatna I ngah chiat uh ka lamem hi. Huan, tukuma vehtute taksa kuma naupang chikchik himah le uh, felna leh kizen mahmahna nei uh ahihdan muh in om. Pathian saptuamte khawng I hi chih amaute apan muhtheiha om manin kipahhuai mahmah hi. Simtute, TOUPA'N hon vualzaw hen!

DECEMBER 2017 USHER**11:00 AM Biakna :**

1. Pa D. Kamkhanmang, Vikasपुरी
2. Pa Rorelsang, Paschim Vihar
3. Pa Ginsuan, Palam
4. Pa Mangpi Vualzong, Tughlakabad
5. Nu Maman, Kisangarh
6. Nu Damngailun, Vasant Vihar

2:00 PM Biakna :

BYF Munirka Area Fellowship

DORKA'S ADVENT CHRISTMAS PROGRAM

NI – 16th December 2017,
AMUN – EBCC Biakinn, Delhi
SESSION – I (10:30 AM – 1:00 PM)
Biakna & phatna: Worship team Leader -
Nu Luni & Nu Biakmawi, Team: Nu Neihkim,
NuChingboi, Nu Nemkhanmawi
Gelhluttu : Nu Siami
Hunkem : Programme Making Committee,
TBDF

Vaidawn thugen: Nu Mankhodim, President,
TBDF

Laa :

Thohlawm latna : Upa Tuanmuanthang

Thugenna : Pastor N. Tuang Lang

Special no : Nu Florence Sonkim

Mipi Lasakhawmna :Worship Team

Hunkhakna leh Annkuang latna

: Upa T. Thiankhanmuan

LUNCH BREAK 1:00 PM – 2:00 PM**SESSION – II (2:00PM – 4:00PM)**

Biakna leh phatna : Worship team

Gelhluttu : Nu Chinglian kim

Hunkem : Programme Making Committee,
TBDF.

Lapawl kidemna TBDF bial chih apan

: Music Dept, TBDF

Sharing : Nu Manphate leh special invitees

Leenkawm kidemna TBDF bial chih apan

: Music Dept, TBDF

Special no : Nu Ching Lydia

Thilpiak na leh kipah man hawm na

: Finance Dept, TBDF

Mipi Lasakhawmna :Worship Team

Kipahthugenna : Nu Chingngaihlian, V/P.

TBDF

Hun khakna : Upa Ngulminthang.

KTZ December 2017 issue hong tung nawnta , subscriber ten ngaihven chiat leng chih iki zasak ahi.